

Kálag echě Paalε áténlé Baá Filipi Ndibned n kálag

Paalε mó aténlé mwembé nıme rıde á Filipi enén kálag áde ábédé á mbwɔg. Abédé ndutul ne ayáge áde déetɔngene áde bad bémpee béyágté'áá. Kénée nımén mekan mébenládtáá, Paalε ambé menyınge, ásūm-me nlem áyāl e adúbe áde adúbpe Yesu Krıstəə.

Nzom eche ekəá bon Paalε átəl enén kálag edii áságnen bad bé Krısto bé Filipi áyāle nwōngen nıme bēmbéé mó á pōndé eche ántōgnēnē nwōngen. Awédé bó nlem á abum, aláá-'ε bó aá bēbē bésūm mekuu. Acháa bó aá bēwōn asuded á yāl áde Yesuε, ésebán bémwag bán mekan mé esíí mé ekob é yāl mékamlan bó. Akamtan bó aá abé áde bédíí mod nhóg ne Krıstəə ádii nsimé n Dyōb, aá Dyōb débēl-le bēbē menyınge bēbē-'ε nsan ábe áde bédíí mod nhóg ne Krıstəə.

Nkabtéd n kálag

Paalε alénté, áságnéné, akánnéd-te mwembé n Filipi *1.1-11*

Paalε aá ábē á nkōnsé ádii ábele Krıstəə, áwé-'ε débonéd mó *1.12-30*

Paalε aá abé á bad bé Krısto ábē ngáne áde Krıstəə *2.1-11*

Paalε aá bad bé Krısto bēbē á nkōnsé née tintine *2.12-18*

Paalε akené Timotie bó Epafroditus *2.19-30*

Paale aá mod awë adúbpé Krístæ äkobnéd á'sõ é' Dyöb 3.1-11

Paale aá mod téé áwan áte ápid mam á asóg bwâm 3.12-21

Paale alébe bad bé Krísto 4.1-9

Paale aságnan mwembé ní Filipi 4.10-20

Melentén mé asóg 4.21-23

Paale alómmé bad melentén

¹ Mε Paale, nchoo ne Timotie, με-εé ntenle nyé enén kálag. Sédii bembælede ábe Yesu Krístæ. Ntenle bad bé Dyöb, bad ábe bédé mod nhóg ne Yesu Krístæ ábe bédé á Filipi, nchoo ne belyáged ne bad ábe béwôngan ákeen nsón ní Dyöb á'sõ.

² Nsimé ne nsaj níme ríhuú ne Dyöb awêd Titée, ne Sángú Yesu Krístæ níbê ne nyé.

Meságnen ne mekáne níme Paale

³ Nságnan Dyöb áde mbenléé, pónde téé nzé nkämténé nyé.

⁴ Mbelé mbé menyinge pónde téé nzé nkánnad nyé moosyáál.

⁵ Mbelé mbagé nságnen áyāle nwôngen níme nyékébéé με ákal nkalan ní bwâm, bootya á pónde eché nyéwógé mó, boη nyédúbe-'ε, áπε βοοβ.

⁶ Ndúbpé með Dyöb áde ábótédé nímén nsón ní bwâm átíntê echên, dékéén mó á'sõ kóəη ápēēn mó á asóg á Epun éche Yesu Krístæ áπεé.

⁷ Ntángéné enén ndín e mewêmtén awónη áyāl e nyé baásyāāl áyāle nyédé με á nlém-tê. Ké áde nídí á mbwəg, ne áde ríhóbeé mam tñgēne nkalan ní bwâm, nhóbe með nímén nkalan méesaá metóm, níde mbále. Dyöb álúmté syánē moosyáál nímé nsimé ngáne débēnléé mó.

⁸ Dyõb ádé me mbõn nén aá nlém míme ríwõhné nyé áte, rídé melemlem ne nlém míme Yesu Krĩstæ áwõhné nyé.

⁹ Nkânne-'ε nén meé, edaŋge éche nyéwõhné Dyõb ne éche nyéwóó ne nhóg ne aníníí ébê ékag á'sõ. Nkânne-'ε meé nyébíí mekan mé Dyõb, nyésõhten-ne nhæŋlén átíntê e mekan mé bwâm ne mekan míme méesë mekan mé bwâm.

¹⁰ Nén débël nyéëhël mekan míme métómténé abõn abíí. Nén débël nyéësaŋ-'ε á'sõ é' Dyõb, béekóbén-naá nyé awusé ké ahóg á Epun éche Krĩstæ ápeé ámpē.

¹¹ Nén débël abé á bwâm ádēn áde áhúú ne Yesu Krĩstæ dényínnēd áyāl e mekan mé bwâm mésyāāl míme nyébeleé, ábel boŋ Dyõb ákud ehúmé ne mekenag.

*Paale aá abé á nkõŋsé ádíí ábele Krĩstæ,
áwé-'ε déboŋnéd mó*

¹² A-baányan, ndəá meé nyébíí nén bán mekan míme mébénlédé ne me hén, ríkóó awõhŋen ábel boŋ nkalan mí bwâm ríkanlad ríkag á'sõ.

¹³ Nén abélé sánze ésyāāl éche énoŋe eyáde éche mod ambáá ne bad bémpēe bésyāāl hén, bēbíí nén bán ndé á mbwõg áyāle rídíí mbæledε awē Krĩstæ.

¹⁴ Abé adé rídíí-'ε á mbwõg, áwédé ekud é bad ábe bédúbpé nlém á abum, bénábpé nlém awõŋ ákal eyale é Dyõb ésebán bēbáa' dyamdyam.

¹⁵ Edé mbále nén bán bó baahóg béwõhné me kónjí, béhede-'ε alúmed bán bédé etógnén tómaa me. Boŋ pen, bó baahóg-ke békale míme nkalan ne mewêmten mé bwâm.

¹⁶ Bad ábe békale mó ne mewêmten mé bwâm, békale mó áyāle bédáá me, bēbíí-'ε nén bán Dyõb

ákwénténé aá mbê á mbwəg hén âbel boŋ ríhâb meé nkalaŋ ní bwâm méesaá metóm, rídé mbále.

¹⁷ Abê ábe béwónné me kónjí béekaléé nkalaŋ ní bwâm ne mewêmten mé bwâm, békale mó âhede échab yál chên bwëm. Bébele nê, ne mewêmten nén bán ríwôg ndutul abé áde rídí á mbwəg.

¹⁸ Boŋ nén déewóó'ê dyam dé abel. Áyāl e nímê menzii mésyāāl, nkalaŋ níme Krístəá móó békaleé, ké bébenlād mewêmten mé bwâm, ké'ε mewêmten mé mbéb, ákal mó. Né-ɔɔ, áyāle nê, mǝbē menyiŋge.

¹⁹ Mǝbē mbé menyiŋge áyāle mbíí nén meé mekáne níme nyékānnadté me ne nwôŋgen níme Edəádəŋ éche Yesu Krístəá ébageé me, bébǝl ríkúd e'soóŋ.

²⁰ Nwóó nlém áte ne menyiŋge mésyāāl, nlyágé-ε nlém meé méewóóké e'són, boŋ méwōŋ e'wéd bé nlém á abum pónde ésyāāl, taŋge bəəb, âbel boŋ kéchéé éche mbelélé ébel ehúmé éche Krístəá ényínned, ké ndé á alongé ké'ε nwédé.

²¹ Ne me, abé áde rídí á alongé ádíí âbele Krístəá, nzé nwédé-ε éboŋned me.

²² Nzé édé bán ndé á alongé mǝbē mbelélé nsón níme ndé etógnén. Bəəb-pɔɔ, meebíí'ε pɛd eche rítəŋgéné atéd.

²³ Mmén mekan mébe métyéémé me á'sō-te, étomé me áte éche rítəŋgéné apwɛd. Ndəá meé rítəde hén mbê ne Krístəá, áyāle nén ábóó tómaa âbé á nkōŋsé wén.

²⁴ Boŋ áyāl echên, édé etógnén bán rídí mbê á alongé.

²⁵ Ndúbpe nén, mbíí-ε meé mǝbē mbé á alongé, mǝbē mbé-ε ne nyé moosyāal âbel boŋ adúbe áde

nyédúbpé Krǐstəə ákwəge, nyébé-'ε menyinḡe áyāle nyédúbpé mó.

²⁶ Nén débĕl abé adé mébēē ne nyé ámpē, nyéēnabé nzom awóŋ áβε Krǐstəə mekenag áyāl echēm.

²⁷ Bəəb-pəó, abé ádēn átəŋgéné abé ngáne Krǐstəə áhóbéé áwē nkalanj mí bwám. Nén débĕl ké mpedé ányín nyé ké'ε meépede, məbĭl nén meé nyēsumé mekuu nēŋgáne mod nhóg, nyēwóó-'ε mewēmten mehóg áwan áte ákəə chóm éche nyédúbpé.

²⁸ Nyéebáá' bad áβε bétəŋgan nyé. Nlém níwúu nyé á abum pónDé ésyāā. Nén délūmēd nén bán béekudté e'soósonj boŋ nyéékūd. Dyöb dó-'aá átiide mímén mésyāā.

²⁹ Dyöb ábénlédé ábē e'boŋ bé nlém áwēn, saké ádúbe Krǐstəə dēmpen, boŋ káəŋ ne ákud metake áyāl e Krǐstəə.

³⁰ Syánē dewane nzum á yāl e nkalanj mí bwám bəəb. Melemlem mé nzum míme nyénnyinnē nwane' móó nídíi níwanéé bəəb.

2

Paale ad abé adēd abē nēŋgáne ade Krǐstəə

¹ Abé áde nyédíi nhóg ne Krǐstəə áwédé nyé nlém á abum, échē edəŋge-'ε épwiitad nyé nlém á abum. Nyédé nlatén ne Edəádəŋ éche Esáá. Nyélúmté' e'boŋ bé nlém, nyēwóó-'ε nlém ní ngol ne nhóg ne aníní.

² Mmēm menyinḡe mélōn mbon nzé nyēwóó mewēmten mehóg, nyélúmté melemlem mé edəŋge ne nhóg ne aníní, nyēwóó nlém nhóg, nyédé-'ε nēŋgáne mod nhóg áyāl e kéchéé éche nyébeleé.

³ Nyéebēlē mekan níme mélúmte bán échen yǎl chēn chṵ nyéhēdteé bwâm. Nyéebēlē mekan níme mélúmte nén bán nyédé kúmbe. Boŋ ne asuded á yǎl, nyényín bad bémpee etógnén tómaa échen yǎl.

⁴ Nyéebēlē mekan níme mépiinad nyé bēn pen nsyáŋ, boŋ pen nyébele kááŋne mekan níme méwōŋgan kááŋne bad bémpee.

⁵ Mewēmtēn mīmēn mébê nēŋgáne níme Yesu Krīstāa mémbeē.

⁶ Abédé nyaa eche Dyōb ádíí, boŋ kénê, enkēnwōŋgé mewēmtēn nén áá mōchāgned nén móō bó Dyōb bétáá.

⁷ Enkēntédte yǎl etógnén, boŋ ambēl eche yǎl nēŋgáne mbāledε, bēnchyāā-ε mó nēε moonyōŋ.

⁸ Ade ábédé nēε moonyōŋ, ansudéd eche yǎl, ákwēntén-ne awé.

Ankwēntén áwé kááŋ ne kwééd e awōg.

⁹ Né-óó, Dyōb dēmbě mó etál éche étómténé achab ámín,

ábē-ε mó dīn áde átómé mīn mésyāāl.

¹⁰ Dyōb dēmbēl nén ábel boŋ á dīn áde Yesuε, nhāgtéd rīsyāāl nībwōg mebóbōŋ, ké nhāgtéd níme rídé á nkoŋ mīmín, á nkōŋ rísé, ké'ε á mbwōg e baásē.

¹¹ Moosyāál áhōb áá Yesu Krīstāa mó adé Sāŋgwéé, ábel Dyōb Titée ákud edúbé.

Nyébê átínté e bad ngáne tintine

¹² A-baányanŋ bé edāŋge, ngáne nyéyógké'áá mekan ábel níme Dyōb áhóbé áá nyébel áde mibédé ne nyé, édé etógnén bwāmbwam bán nyébel mekan níme áhóbé áá nyébel, bōōb áde méesaá ne

nyé. Nyéwôñ mbwóg rí Dyöb áte nyésuded-te yǎl á'sō é' Dyöb. Nyéwan áte bwâmbwam âbel mekan míme Dyöb áhedeé, âbel bon e'soóson ábe nyékúdé, é'lôn mbon.

¹³ Nyébel nê áyāle Dyöb ádé ne nyé pónde ésyāal, âbel nyéwôñ nlém âbel mekan mé bwām mímé áhedeé aá nyébel, nyébenle-'ε mó.

¹⁴ Nyébele' chōm ésyāal ésebán nyényonje áte, nyêpentan-ne.

¹⁵ Nyébele nén âbel bon modmod eehóbé' aá nyéwóó atón dé mbéb ké á hóg á yǎl, nyésāñ-'ε. Nén débēl nyéēbē bán bé Dyöb ábe béewóó atón dé mbéb ké á hóg á yǎl, ábe bédé átínté e bad bé mbéb ábe bébele mbéb pónde ésyāal. Nyédé átínté echāb á nkōñsé-te nēñgāne betintine ábe bépene'.

¹⁶ Nyébele nén akal áde nyékaléé nkalanj mímé m̀pene' alongé áde déemaá'. Nzé nyébele nén mēbē kúmbe ne nyé á epun éche Krístā áπεé áyāle nén délūmēd bán awan áde n̄wáné'áá áte ne ntũ míme mbélé, béēbóó'é.

¹⁷ Mēbē nēñgāne nzom e m̄ñ echē bésyógé ám̄ñ e nsón míme nyébeléé, nēñgāne mendε, áyāle adúbe áde nyédúbpé. Nhεle-se ríkūd metake, nwé-'ε áyāle nkale' nkalanj mí bwām melemlen ngāne nyémpē áyāle nyédúbpé mímé nkalanj mí bwām. Bon kénê ndé menyinje mēwōgēn-ne nyé moosyāal menyinje.

¹⁸ Melemlen nê dōo nyémpē nyétāñgéné menyinje awóg, nyéwógén-ne mémpē menyinje.

Paale atelé tâñgene Timotie bó Epafroditus

¹⁹ Nzé édé á ntii míme Sāñgú Yesue, nwóó nlém álóm Timotie áwēn mwāmp̄ñ mí pónde, âbel bon

póle éche méwōgkē áyāl echên, éwêd me nlém á abum.

²⁰ Meewóó'é modmod ampée née mó awě akoó mímê nlém awónη ádαη dé ábíi ngáne nyédíí.

²¹ Nhóbe nén áyāle bad ábe bélyágé ásē échab yāl chósó bétōηtanné, béebeléé ngáne Yesu Krīstəə áhεdεé aá bébel.

²² Nyé bĕn nyĕbíi ngáne Timotiε álúmté aá móbele nsón bwām. Abélé nsón ne me ákal nkalan ní bwām ngáne mwān ábelεé nsón ne sáá.

²³ Né-ζó, nlyágé nlém meé mĕlōm mó áwĕn áde ményĭnnĕ ngáne mekan mébĕĕnnĕ me.

²⁴ Ndúbpé-'ε nén meé Sánġwéé ábĕl mwāmpĭn ní pónde mmĕn ámpĕ mépĕ áwĕn.

²⁵ Nnyíné nén meé édé etógnén me álóm awed mwānyanη Epafroditus áwĕn. Abele nsón míme Krīstəə ne me, awōηgan-ne átāηgen bad ábe bétāηgan nkalan ní bwām, mó-'aá abédé nĕηgáne mésénze míme nyélómé áwōηgen me.

²⁶ Awóó nlém áte bwāmbwam ányĭn nyé moosyáál, anwóg-ke ndutul áde áwógé bán nyĕwógé bán mĕnkolé.

²⁷ Edé mbále bán ankolé, ápōn-ne káóη ne awé. Bon Dyōb dénwōg mó ngol, saá-kaá mwĕmpĕn, Dyōb dénwōg mémpĕ ngol. Enkĕnkwĕntĕnné aá áwĕ ábel bon meénabpĕ abé á ndutul-tĕ.

²⁸ Né-ζó, nwóó nlém áte bwāmbwam álóm mó áwĕn ábel bon nyĕwōg menyĭnge ányĭn mó ámpĕ, me-'ε ámpĕ meébūdĕ atag áte áyāl echên.

²⁹ Né-ζó, nyĕbĕ menyĭnge ákob mó nken áyāle adúbpĕ Sánġwéé ngáne nyĕmpĕ nyédúbpĕ, nyĕbage-'ε bad nĕηgáne mó edúbé.

³⁰ Nyébage mó edúbé áyāle ampon awé, abé-
'ε á nsəl ní son abele áde ábenléé Krístəə. Ambel
nén âbel bonj áwōngɛn mε âbel nsón míme nyébən
nyéehεle'aá-sε nyébel.

3

Bad abe bédúbpé Yesue bóə békobnad á'sō é' Dyöb

¹ Asóged a-baányan, nyébê menyiŋge abé áde
nyédíí mod nhóg ne Sánɣwéé. Eetagtéé mε átele nyé
mekan míme ménsēbēē nyé atele. Nén ádíí ákəə
nyé.

² Nyétêd pónde ne ábê e'bébtéd é' bad. Echê
mbwé, bad ábe behóbe bán bétánɣéné mod ayag.

³ Syánē-εε béyágé nyaa echê etánɣéné. Edəádəŋ
éwōngan syánē ábe Dyöb edúbé ngáne débənléé
mó. Syánē dedé menyiŋge ngáne dédíí ne Yesu
Krístəə. Debíí bán baányonj béehelée-sε béwōngən
syánē.

⁴ Kénê mmən nwóó nzəm ályág nlém á yəl e
mekan mé moonyonj. Kénzée átíntê echên awé
awémténé aá mówóó nzəm ásum nlém á yəl e
mekan mé moonyonj né nwóó nzəm tómaa nê.

⁵ Ade béchyáá mε bēn'yág mε ámbíd e epun
saámbé. Ndíí mod a Israel awé abídé á túmbé
e Benjamin. Echem sánj ne nyanj bébédée bad
bé Híbru. Mbédée mod a Farisia, ríhídē mbéndé
ngáne éhóbeé.

⁶ Menwónj kán áte bwámbwam nyaa echê nê
dēmbenlé rítagté elad é bad bé Krísto. Modmod
eéhele'aá-sε ahób aá nwóó atón dé mbéb ké ahóg
áyāl, áyāle nhídé'aá mbéndé é bad bé Israel ésyāāl.

⁷ Boŋ ábê bwëm é'syāāl ábe nínyíne'áá nées nsyāŋ béesaá dyam dé abelen bəəb, áyāle chōm éche Krīstəə ábénlé me.

⁸ Saké nê dēmpen, nnyíne chōm ésyāāl meé éesaá dyamdiam nzé nhəgténé chó ne ndale e dyam echē edé ábíi Yesu Krīstəə, awem Sāŋgwéé. Ayāl échē chōm esyāál éesaá dyam dé abelen, nnyíne-'e chó nēŋgáne mbinde ábel boŋ mbíi Krīstəə,

⁹ mbê-'e mod nhóg ne mó. Saké ahíd á mbéndé dɔɔ ákás boŋ níkobnéd á'sō é' Dyōb. Boŋ nkōbnédé á'sō é' Dyōb áyāle ndúbpé Krīstəə. Dyōb-paá ábélé boŋ níkobnéd áwe e'só áyāle ndúbpé Krīstəə.

¹⁰ Ndəá meé mbíi Krīstəə níwōŋ-'e ngíne echē ánwōŋgē áde ámpuú'é. Ndəá meé mbê níkude metake melemlem ngáne ánkudté. Ndəá-'e meé níkud metake ngáne ánkudté káəŋ béwúu me ngáne bēnwū'é mó.

¹¹ Nlyágé nlém nén meé nímén mésyāāl mébenléd ábel boŋ Dyōb ápuud me ámbíd e kwééd echēm.

*Paale ad mōwane áte
ápid mam á asóg bwām*

¹² Meehóbéé nén meé mmaá nímén mekan amad ké'e meé mmaá atyéem á menzii mésyāāl. Boŋ ndíi nwane áte ábé nyaa e mod echē Yesu Krīstəə áhédé'áá áá mbê áde ápwédé me.

¹³ A-baányan, meehóbéé nén meé mmadé chōm ésyāāl. Boŋ dyam ahóg áde mbelée ádíi, áchaten mekan níme métómé ámbíd ne áwan áte áhíd mekan níme méhúe' á'sō.

¹⁴ Ndíi nwane áte áke á'sō káəŋ nípe wéee nítanéné asóg ábel boŋ níkud nsábe níme Dyōb ábánnédé me ádyōb. Achēnle me áá níke ádyōb mbwiined ne Yesu Krīstəə.

15 Syánē moosyā́l awě demaá akwəg á adúbe tē déwále nímén melemlem mé mewêmtēn tângene nímén mekan. Boŋ nzé édé bán nyêwóó mewêmtēn mémpēe tângene nímén mekan, né Dyöb déwōngēn nyé ásoŋtēn mós bwām.

16 Kénê-’ε detāngéné déhídē mekan níme syánē démáá abíi.

17 A-baányan, nyéladtēn nyébê nyéhíde nímēm mekuu, nyénəne-’ε bad ábe bébele ngáne nyényínnē ngáne sébéláá.

18 Nkänlé’áá nyé ngen ne ngen, bəəb-pe ámpē nlānge nyé ne mėsəd tângene bad híin ábe nímāb mbeltéd rílūmtεé nén bán bédé bad bé ekəyí tângene nkalan níme ríhóbe kwééd eche Krístəə áwédé á awəg.

19 Echén ndín é bad ádab asóg ádíi dū á muú. Chöm éche ékamlan bó édíi mekan mé esíi mé ekob é yǎl. Bédás ábel mekan níme betāngéné békwaŋne. Mekan mé nkōŋsé mēmpēn-naá békamtanné.

20 Boŋ syánē pēn dedíi bad ábe echab mbwóg édíi ádyōb. Desine-’ε awesyánē Nsoode, Sāngú Yesu Krístəə bán ábid ádyōb átim ámbíd á nkōŋsé.

21 Abenléd eche ngine eche ábenladté ákamlēn chöm ésyā́l, áhəŋlən échesyánē yǎl é nkōŋsé, yǎl éche éewóo ngine, ábel boŋ dékud ndəle é yǎl ngáne ánkudté áde Dyöb dēmpuúdté mós.

4

Paale abagé elébé

1 A-baányan, ndəó nyé anyín ámpē áyāle ndəó nyé bwāmbwam. Nyébelé ndé menyiŋge nyédé-’ε nēngáne nsábe nímēm áyāl e nsón níme ríbéle.

Né-ᵹᵹ, a-baányanᵹ bé edəᵹᵹe, nyébê nyésum mekuu t̄əᵹᵹe adúbe áde nyédúbpé Sánygwéé.

² Ncháa nén meé Yudia bó Sintike bébê á nchemt̄en áyāle bó bad béb̄e bédii baányanᵹ bé Kr̄isto.

³ Nlāᵹᵹe wémp̄e, awem nsón a nsón awě rlyáᵹᵹe nlém áyāl, nhede meé éwōᵹᵹen ábén bebaád áb̄e nsanᵹ. Ábén bebaád béb̄e, Klemene ne bad bé nsón bémp̄ee bébédé me benben. Syáābōw sébelé ntū áb̄el bonᵹ r̄h̄el nkalanᵹ mí bwām akal. Mmab m̄in mésyāāl médé á kálag e alongé.

⁴ Nyébê menyiᵹᵹe pónde ésyāāl áyāle nyédii bad ábe Sánygwéé. Nhóbe ámp̄e, nyébê menyiᵹᵹe.

⁵ Abé ád̄en álúmed á'sō é' bad bésyāāl nén bán nyéchedne bad yāl. Sánygwéé akwogé ap̄e.

⁶ Nyéētāᵹᵹe áte áyāl e dyamdyam. Bonᵹ pen áyāl e kéchéé éche étané nyé nyékāne Dyōb nén bán áb̄e nyé chōm éche nyétóᵹᵹéné. Nzé nyékāne-'e nyésāᵹᵹnān mó.

⁷ Nzé nyébelé-'e nê, Dyōb déb̄el nyéb̄e nsanᵹ, nsanᵹ míme r̄chábé ám̄in tómaa ngáne baányanᵹ béhele b̄sōᵹᵹen. Mm̄én nsanᵹ méwōᵹᵹᵹen nyé áb̄el bonᵹ nyéētāᵹᵹe áte abé áde nyédii bad ábe Yesu Kr̄ist̄əə.

⁸ Asóged a-baányanᵹ, nyékamtan ábén bwēm pónde ésyāāl. Nyékamtan kéchéé éche édé mbále, kéchéé éche ékwóᵹᵹéné chōm éche ebóó, kéchéé éche étāᵹᵹéné, kéchéé éche éewóo atón dé mbéb̄ áyāl, kéchéé éche bad b̄étāᵹᵹéné adəᵹ ne kéchéé éche nyényiné bán ébōᵹᵹéné nyé. Nyékamtan mekan míme mébóó bwāmbwam ne míme bad b̄éhób̄eé bán mébóó. Echén ndín é mam chōw nyétāᵹᵹéné ahé á mew̄emt̄en-t̄é pónde ésyāāl.

⁹ Kéchéé éche r̄'yáᵹᵹé nyé bonᵹ nyékōb-pe ne

kéchéé éche nyéwógé áwê̄m ne éche nyényíné née mbé̄lé, nyé̄bele ch́. Nzé nyé̄bele nén, Dyöb, mó awě abage nsaŋ, äbē ne nyé.

Paale aságnéné nwōŋgen níme dkúde

¹⁰ Abé áde nídí mod awe Sán̄gwéé, ábé̄lé ndé menȳnge bwâmbwam, áyāle ká̄ŋne á asóg nyélúmté bán nyé̄bōŋge με. Mbíí nén μεé nyéwóó mewēmtēn ábóo με pónde ésyā̄l, bon etál éebagnedéé nyé ábel áned.

¹¹ Meehóbéé nén áyāle ntóge' ch̄m. N'yágkē ákob kéchéé éche étané με á alongé.

¹² Mbíí ngáne mod ábágkē ésebán awóó ch̄m éche átógnéné, mbíí-ε ngáne ébāgkē mod ábud dé awōŋ ch̄m éche átógnéné. Mmēnténé ákob kéchéé éche étané με. Mmēnténé abé áde mbúde ch̄m éche nídyágkē awōŋ, nímentén-ne ádyεε nzaa. Mmēnténé ábé áde níwóó tómaa ngáne ítógnéné, nímentén-ne abé áde méewóó'é ch̄m éche ítógnéné.

¹³ Kéchéé éche étáne με, ngíne eche Kr̄istə̄ ábagéé με ébēl métōm ch́ áte.

¹⁴ Nyé̄belé bwām áwōŋgen με áyāl e nímēm metake.

¹⁵ Nyé bad bé Filipi nyé̄bíí bwām nén bán áde mbóótédé nkalaŋ ní bwām akal áde mbíde á Masēdonia, nyé bēnpēn-εé nyé̄bedé mwembé níme ménwōŋgēn με.

¹⁶ Ké áde mém̄bēē á dyad á Tesalonika, nyé̄nlómé με nwōŋgen ngen ne ngen.

¹⁷ Meehóbéé nén áyāle nhede μεé nyé̄lómme με ndε. Bon nhede μεé nínyíne' ngáne Dyöb ánamtéé nyé anamed ne anamed.

18 Nkudé chõm ésyāāl éche nyékélõmēē με, níkūd-tε ké tómaa nê. Epafrodituse ampiinéd με bwēm ábe nyénlõmēē με. Edíi byánán nyêbagé Dyõb ndε eche ewóó elod é bwám. Dyõb ákóbé mímê mendε, mébõηnédé-'ε mó.

19 Adêm Dyõb débě-'ε nyé kéchéé éche nyétógnéné átíntê e mímē nkúú mé nhon, mbwiined ne Yesu Křístæ.

20 Ehúmé ébê ne ádeD Dyõb, awêd Titée á ngíndé ne á ngíndé. Ebê nê.

Melenten mé asóg

21 Nyéleled bad bé Dyõb bésyāāl ábe bédúbpé Yesu Křístæ. Abesyánē baányan ábe bédé ne με bélómmé nyé melenten.

22 Bad bé Křísto bésyāāl bélómmé nyé melenten, bwâmbwam abum á ndáb áde Kaisεε.

23 Nsimé míme Sánjú Yesu Křístæ míbê ne nyé moosyáál.

Mel̃ Mékō̃lē
New Testament in Akoose (CM:bss:Akoose)

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akoose

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0143729f-907e-5098-b6ce-63b1629b8e48